

GERMANIA.

363

scundum latitudinem autem novem dierum iter expedito patere. Adsciscit sibi hac nostra ætate varia nomina; alicubi enim *Nigra Silva a Pinum immensa vi*, *Der Schvarts Wald*: alicubi *Ortonis sa venationibus Imperatoris Ottonis in illa Silvæ parte frequentibus: a populis etiam, quos adit, nomina mutuatur, unde Thuringica & Bohemica dicitur*. Apud solos autem Cheruscos haec tenus constanter retinet nomen suum vetus, veteribus Græcis atque Latinis Scriptoribus celebratū *Hercyniæ Silvæ*, *Der Hartz Wald*, a resina: *Hartz* enim vocant resinam & Galli & Germani. Meminit hujus Silvæ etiam Pandulphus Collenutius risauriensis in descriptione Germaniæ his verbis: *Silva Hercynia ad Dacos & Getas diversa sibi nomina sumens defertur, donec ad extremos Tartaros perveniat, ubi obscure silva nomen accipit, ignotisque finibus, itineribusque impervia, & ob Ferarum immanitatem, & monstrificos Faunorum terrores penitus inaccessa*. Sed de his satis, ad alia pergo. Sequuntur Opera publica & privata inter quæ, ut infinita præteream: Templum Argentoratense celeberrimum elegantissima *Opera publica*, structura, præcelsa Turri conspicuum nequaquam silentio prætereundum. Inter totius enim universi Miracula, non immerito octavum obtinet locum. Cœptum est autem augustissimum hoc Templum jactis fundamentis ædificari anno Christi c^{irca} 1050. Anno autem Domini c^{irca} 1177 sub Episcopo Conrado a Liechtenberg, Eruinus a Steinbach Architectus turrim exstruere cœpit, opus nobile & ingens, cuius simile nec in Germania, neq; in Italia aut Gallia reperitur: quæ xxvi annis fere usque ad fastigium consummata. Hæc ab ipsis fundamento usque ad supremum culmen quadris & pulchre figuratis lapidibus est erecta. Vbique aëri & vento est pervia, patetq; ascensus ejus quatuor cochleis. Vbi vero crassities eius in fastigium incipit acuminari, ibi octo consurgunt cochleæ. Supremus nodus, qui inferius vix modii magnitudinē habere videtur, tantus est, ut capacitas ejus recipiat quinque aut sex homines. Lōgitudo ejus habet pedes Geometricos 121XXIV. Est & Horologium artificiosissimum atque in primis admirandum. Et ad Statum Ecclesiasticum Germaniæ quod attinet, *Status Ecclesiasticus*. Archiepiscopatus vi per Germanicum Imperium numerantur, quorum provinciæ, excepta Livonia, sub hoc titulo describentur. Sunt autem *Moguntinus Mentz*, cui xii subsunt suffraganei, *Curia Chur, Constantia, Co-
finitz, Argentina Strasburg, Spira, Wormacia, Heribopolis, Wurtzburg, Augusta, Ausburg, Aystett, Hildeshaim, Pa-
derborn, Halberstatt, Feren Colonensis Colen*, v habens suffraganeos, qui sunt *Monasteriensis olim Mimigardevo-
densis, Traiectensis Utrecht, Leodiensis olim Tungrensis, Mindensis Minden, Osnaburgensis, Osenbrug, Trevirensis
Trier, cui iii suffragantur, qui sunt Metensis Metz, Tullensis Toul, in Lotharingia & Verdunensis Verdun. Mag-
deburgensis Meydburg, Primas Germaniæ cui subsunt i v, Morsenburgensis Morsburg, Naumburgensis Naum-
burg, sive Iicensis, aut Mamillensis, Brandenburgensis & Havelburgensis. Salisburgensis Salzburg, i x habet sub se E-
piscopos, qui sunt Tridentinus Trent, Brixensis, Pataviensis Passau, Frisingensis, Viennensis Vienna, Sekoviensis
Seckauv, Gurcensis Gurcx, Laventinensis Lavenmund, Chiemensis Chiemse. Bremenensis cui v sunt suffraganei, Lu-
becensis, Suerinensis, Lebusinensis Lebus, Schlesvicensis, Ratzenburgensis, Hamburgensis olim Archiepiscopus. Rigen-
sis Riga, habet i v sub se, qui sunt, Revaliensis Revel, Curiensis, Osetiensis Osel, Derptensis. Liberi & exempti Epi-
scopi sunt Misnensis, Babenbergensis Bamberg & Ratisponensis. Academias Merit numerat Basiliensem, Colonensem
Dillingensem, Moguntinensem, Marburghensem, Lipsensem, Ingolstadiensem, Heidelbergensem, Gipsvaldensem, Schole.
Fribur-*